



ՀԱՅԱՍՏԱՆԻ ՊԵՏԱԿԱՆ  
ՏՆՏԵՍԱԳԻՏԱԿԱՆ  
ՀԱՄԱԵՆՈՒԹՅՈՒՆ

ՄԱՍՆԱԳԻՏԱՑՈՒՄ • ՓՈՐՁ • ՀԱՆՐԱՎՈՐՈՒԹՅՈՒՆ

**«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ  
5 դեկտեմբերի 2013 թվականի**

Ըսելով և քննարկելով «Համալսարանի ինստիտուցիոնալ ինքնավերլուծության ուղղությամբ կատարվող աշխատանքների ընթացքը և ստորաբաժանումների խնդիրները» հարցը (զեկուցող՝ որակի ապահովման բաժնի պետ Ն.Ա.Գևորգյան)՝ գիտական խորհուրդը որոշում է.

**1. Հանձնարարել համալսարանի վարչական բոլոր ստորաբաժանումներին, ամբիոններին, դեկանատներին՝**

- 1) որակի ապահովման բաժնին և աշխատանքային խմբերին ցուցաբերել գործունե աջակցություն անհրաժեշտ տվյալների, փաստաթղթերի և խորհրդատվության տրամադրման գործում:

**2. Հանձնարարել որակի ապահովման բաժնին՝**

- 1) հաշվի առնելով որակի ապահովման գործընթացների (պլանավորում, իրականացում, գնահատում և բարեփոխում) մշտական և համահամալսարանական բնույթը, անձնակազմի կառավարման և իրավաբանական բաժինների հետ համագործակցելով՝ նախապատրաստել որակի ապահովման խորհրդի, ինքնավերլուծությունն իրականացնող փորձագիտական խմբերի և որակի ապահովման ֆակուլտետային պատասխանատուների կազմի, գործառույթների վերանայումը, աշխատանքների իրականացման ժամանակացույցը և հաշվետվողականությունը,
- 2) ներկայացնել առաջարկություններ որակի ապահովման գործընթացներն ավելի արդյունավետ կազմակերպելու նպատակով,
- 3) հստակեցնել ֆակուլտետային պատասխանատուների պարտականությունները որակի ապահովման, մասնավորապես՝ ինքնավերլուծության աշխատանքներում:

**3. Հանձնարարել Գյումրու և Եղեգնաձորի մասնաճյուղերի տնօրեններին՝**

- 1) նշանակել որակի ապահովման պատասխանատուներ,
- 2) համակարգել աշխատանքները որակի ապահովման բաժնի հետ,
- 3) ներկայացնել աշխատանքների իրականացման ժամանակացույցը և հաշվետվողականությունը:

**4. Հանձնարարել ռեկտորատին՝**

- 1) նախապատրաստական աշխատանքներ կատարել ծրագրային հավատարմագրման գործընթացն սկսելու ուղղությամբ:

**5. Սույն որոշման կատարման նկատմամբ վերահսկողությունը վերապահել ուսումնամեթոդական աշխատանքների գծով պրոռեկտոր Պ.Ա.Քալանթարյանին:**

Գիտական խորհրդի նախագահ  
05.12.2013 թ.

Կ. Լ. Աթոյան



**«Հայաստանի պետական տնտեսագիտական համալսարան»  
պետական ոչ առևտրային կազմակերպության գիտական խորհուրդ**

**Ո Ր Ո Շ ՈՒ Մ**

**5 դեկտեմբերի 2013 թվականի**

**Ուսանողական խորհրդի հաշվետվությունն ուսանողների  
ուսումնադաստիարակչական, գիտահետազոտական,  
հայրենասիրական դաստիարակության աշխատանքների մասին**

Լսելով և քննարկելով «Ուսանողական խորհրդի հաշվետվությունն ուսանողների ուսումնադաստիարակչական, գիտահետազոտական, հայրենասիրական դաստիարակության աշխատանքների մասին» հարցը (գեկուցող՝ ուսանողական խորհրդի նախագահ, տնտեսագիտության թեկնածու Ս.Ս.Բաչատրյան)՝ գիտական խորհուրդն արձանագրում է. անցած մեկ տարվա ընթացքում ուսանողական խորհուրդը շարունակել է իր շուրջ համախմբել ուսանողներին, ովքեր հասարակական գործունեություն են ծավալել ինչպես բուհում, այնպես էլ բուհից դուրս՝ բարձր պահելով համալսարանի պատիվը: Կազմակերպվել են օլիմպիադաներ, տնտեսագիտական ուսանողական գիտաժողովներ, մարզական և մշակութային միջոցառումներ, ինտելեկտուալ խաղեր, «Ոսկե աշուն», «Ուսանողական գարուն» ավանդական դարձած մրցույթ-փառատոնները, բանավեճեր, այցելություններ Հայաստանի պատմամշակութային վայրեր և թանգարաններ: Պարբերաբար շարունակվել են ուսանողների կողմից մեծ արձագանք ստացած «Բաց դասերի» շարքը: Ուսանողներն ակտիվորեն մասնակցել են նաև հայրենասիրական ծրագրերին: ՀՀ պաշտպանության նախարարության հետ համատեղ պարբերաբար այցելություններ են կատարել տարբեր զորամասեր, սահմանային գոտիներ: Ռազմահայրենասիրական ծրագրերից հատկանշական է ուսանողական խորհրդի նախաձեռնությամբ հրատարակված «Մարտական հաշվարկ» գիրքը, որտեղ ներկայացված են մեր բուհի այն ուսանող-ազատամարտիկների կյանքն ու մարտական ուղին, ովքեր հերոսաբար ընկել են Արցախյան հերոսամարտում:

Ուսանողական խորհուրդը պարբերաբար իրագործել է սոցիալական ծրագրեր՝ այցելություններ մանկատներ, ծերանոցներ և այլն: Չեն անտեսվել նաև կարիքավոր ուսանողների խնդիրները. սույն թվականի փետրվարին Հայաստանի երիտասարդական հիմնադրամի հետ համատեղ իրականացվել է մոտ 100 ուսանողի վարձի մասնակի փոխհատուցում: Ակտիվ մասնակցություն է ունեցել նաև կրթական համակարգին վերաբերող աշխատանքներին: Պարբերաբար իրականացվել են սոցիոլոգիական հարցումներ՝ ուսանողությանը հետաքրքրող հարցերի շուրջ:

Հաշվետու տարում Դիլիջանի «Տնտեսագետ» մարզաառողջարանում կազմակերպվել է «Ուսանողական ամառ-2013» մրցույթ-փառատոնը: Շարունակվել է լույս ընծայվել «Էկոնոմ plus» ամսաթերթը, որտեղ պարբերաբար ներկայացվել են ուսանողների իրավունքներն ու խնդիրները: Պարբերաբար թարմացվել է ուսանողական խորհրդի պաշտոնական կայքէջը: Հաշվետու տարում ուսանողական խորհրդի ֆեյսբուքյան էջի վարկանիշը հնգապատկվել է:



Համալսարանի ուսանողները փայլուն մասնակցություն են ունեցել «Բազե-2013» երիտասարդական հավաքին և վերադարձել են հաղթանակով, որին ներկա է եղել նաև ՀՀ նախագահը:

Սույն թվականի հունվարի 19-ին Հայաստանի Երգի պետական թատրոնում տեղի ունեցած Հայկյան մրցանակաբաշխության ժամանակ ՀՊՏՀ ուսանողական խորհուրդը երկրորդ տարին անընդմեջ արժանացել է «Լավագույն ուսանողական ինքնակառավարման մարմին» անվանակարգին: Պարգևը հանձնել է ՀՀ նախագահ Սերժ Սարգսյանը:

Ապրիլի 16-ին Ստանիսլավսկու անվան դրամատիկական թատրոնում կայացած ՌԻՀԱ (ուրախների և հնարամիտների ակումբ) «Գարնանային գավաթ» մրցույթ-փառատոնում, որին մասնակցում էին ՀՀ բուհերի ՌԻՀԱ թիմերը, ժյուրիի որոշմամբ փառատոնի հաղթող է ճանաչվել ՀՊՏՀ «Нар-Хоз» ՌԻՀԱ թիմը:

Նոյեմբերի 11-ին, ՀՀ ԿԳ նախարար Արմեն Աշոտյանի հրամանով, կրթական ոլորտի զարգացման գործում ունեցած մեծ ներդրման համար ՀՊՏՀ ուսանողական խորհուրդը պարգևատրվել է ՀՀ ԿԳՆ ոսկե հուշամեդալով:

Սույն թվականի նոյեմբերի 12-14-ը ՀՀ կառավարության նիստերի դահլիճում առաջին անգամ տեղի ունեցած «Հայացք ապագային» երիտասարդական-ուսանողական եռօրյա ցուցահանդես-համաժողովում, որին մասնակցում էին 60-ից ավելի երիտասարդական և ուսանողական կազմակերպություններ, համալսարանի ուսանողական խորհրդի տաղավարը ճանաչվել է լավագույնը և պարգևատրվել:

2013 թվականի ընթացքում առաջնային ուշադրություն է դարձվել ինտելեկտուալ մրցույթ-փառատոններին. մասնավորապես՝ համալսարանի «Ինդեքս-Պրո» գիտակների թիմը հաղթել է միջբուհական երեք մրցույթներում, ինչպես նաև մասնակցել երկու միջազգային մրցույթի:

Ուսանողական խորհուրդը շարունակել է կազմակերպել ավանդույթ դարձած ևս մի քանի միջոցառումներ՝ «Ալո, փնտրում ենք տաղանդներ» համերգային ծրագիրը, «ՀՊՏՀ գավաթ-2013» միջբուհական ինտելեկտուալ փառատոնը: Ֆիզդաստիարակության, արտակարգ իրավիճակների և քաղաքաշտպանության ամբիոնի հետ համատեղ կազմակերպել է մարզական մի շարք խաղեր: Կազմակերպվել է նաև «ՀՀ տնտեսության զարգացման խոչընդոտներն ու մարտահրավերները» խորագրով ուսանողական գիտաժողովը, որի ավարտին տպագրվել է նյութերի ժողովածու: Գիտաժողովին ներկա է եղել ՀՀ Ազգային ժողովի նախագահ, ՀՊՏՀ խորհրդի նախագահ Հովիկ Աբրահամյանը:

Հաշվետու տարում ուսանողական խորհրդի հրավերով Հայաստան են եկել Եվրոպայի ուսանողական միության տարբեր պատվիրակություններ:

Զգալի ձեռքբերումներ են եղել միջազգային համագործակցության համատեքստում. տարվա ընթացքում 20 ուսանող այցելել է Եվրոպական հեղինակավոր համալսարաններ, տեղում ծանոթացել կրթական ծրագրերին և ուսանողական ինքնակառավարմանը:

Ուսանողական խորհուրդն ակտիվ մասնակցություն է ունեցել Հայաստանի ուսանողական ազգային ասոցիացիայի աշխատանքներին: 2013 թվականի ընթացքում ուսանողական խորհրդի ներկայացուցիչները Ռումինիայում և Իտրվաթիայում մասնակցել են Եվրոպայի ուսանողական միության համաժողովներին:

Ելնելով վերոնշյալից՝ համալսարանի գիտական խորհուրդը **որոշում է.**

**1. Ուսանողական խորհրդի կատարած աշխատանքը գնահատել բավարար:**

**2. Առաջարկել ուսանողական խորհրդին՝**

- 1) առավել կարևորել դաստիարակչական, ազգային, հայրենասիրական բնույթի միջոցառումների կազմակերպումը,
- 2) սերտորեն համագործակցել ռեկտորատի, արհկոմիտեի, դեկանատների և ամբիոնների հետ ուսումնագիտական և ուսումնադաստիարակչական աշխատանքներում,
- 3) ուսանողության շրջանում պարբերաբար անցկացնել սոցիոլոգիական հարցումներ և արդյունքները ներկայացնել ռեկտորատի քննարկմանը,
- 4) ավելի մեծ ուշադրություն դարձնել կարիքավոր ուսանողների խնդիրներին,
- 5) ձեռնարկել միջոցառումներ ուսանողների կարգապահության ամրապնդման ուղղությամբ,
- 6) առանձնահատուկ ուշադրություն դարձնել առաջին կուրսեցիների հետ կատարվող աշխատանքներին,
- 7) ակտիվորեն համագործակցել Գյումրու և Եղեգնաձորի մասնաճյուղերի ուսանողական խորհուրդների հետ,
- 8) համագործակցել համալսարանի հենակետային ավագ դպրոցների հետ,
- 9) կնքել ստեղծագործական պայմանագրեր, հաստատել կապեր արտերկրի համանման երիտասարդական կազմակերպությունների հետ:

**3. Սույն որոշման կատարման նկատմամբ պատասխանատվությունը վերապահել ուսանողական խորհրդի նախագահ Ս.Ս.Խաչատրյանին:**

**Գիտական խորհրդի նախագահ**  
**05.12.2013 թ.**

**Կ. Լ. Աթոյան**